



Utshimau mashinaikan 2010-2013

Nutam ka eshi nashik utatusseun ilnutshimau

Tshika uapatalitunau ume kashikatsh nutam tan katshi eshi nashiman nitatusseun ka ishpish ilnutshimauian. Kassinu tshika milu-uaitimatunau tan nil ka eshi uapataman eshk^u e nikan takuhimatsheian nane ka miaupalika pishimuatsh. Nipakusheliten tshetshi uitshiuemikatsh kie tshetshi shaputue nashekanitsh kassinu ka eshi kashitihekanitsh miam ne tshetshi eka nita punapalitsh e nukushik tshilanu ilnuatsh Peikuitsh ka eshilniuk.

Ka ishpish ilnutshimauian, tshi nishin nite tshekuan alu taship katshi ishpitelitaman kie nimishtapiteliten ne nil : taship tshetshi nukutsh mahk tshetshi taship kau tshiuenimuka ilnuatsh.

Taship nitshi nashakun ne ka ishpish tshimilikuian kie ne nutam shuk ka ui uhtatiman : tshetshi mamu atusseshtimatsh ashitsh ilnuatsh ne ka mishta-ishpatelitatutsh tshekuan mamu atusseshtakanitsh ute ka tata tshetshi eka nita punapalitsh e nukushik tshilanu ilnuatsh Peikuitsh ka eshilniuk. Nimishtapiteliten ne mamu ka mishta-atusseshtakanitsh usham tshetshi punapalitsh nelu ka eshi ushkuilituhk tshetshi eshi nashimuhk Loi sur les Indiens ka ishinikatetsh. Apu takunilitsh tshetshi nashimukutsh nelu uiluaushitelitika. Ui ushimutaik tshitolniunnu tshika takuan tshetshi tshimilakant ilnu tshishe utshimau tshetshi alu ishpitelitamuhk tshitolnu tipelitamunnu kie tshetshi nanituapatamuhk tshi peik^u pakassitishun. Tshika takuan kie tshetshi nite uhtsh ashipitshimuihk usham tshetshi tshishtin mashituepalitaik ilniun kie nite ka eshi shuliatatsh mahk tshetshi tshishipeuatimuhk tshinanituhussinu mahk tshinehlueunnu kie tshitolnu aitunnu mahk kie tshitshishikutamatsheunnu.

Nitshisseliten kie ninishituten mishta-mishau ne ka eshi uapitaman kie tshe mishta-mishkutshipalitsh kie tshe alimitsh mahk tshipatshi eshk^u milekash ashuapitakanu. Apu tshika taian e mitatiman eka e tshishaputueshikaman ne atusseun, miam ne nil ka itelitaman ne kassinu ka eshi uapitaman ka ishpish mishta-miluatsh.

Mihtshet peikuan nitshi uihkutshitan e uluitshiniman nanahku atusseunna kie nipakusheliten tshetshi shaputuepalitsh tshetshi uhtitamuhk ne tshilanu tshitshue tshitpelitamunnu.



Clifford Moar
Pekuakamiu ilnutshimau
Chef des Pekuakamiulnuatsh

NIKA ALIMUTEN

Ka tipelitika mahk utshimau atusseun.....	2
Pakassun ashitsh shuliau	2
Peikuitsh ka eshilniuta ilnuatsh u uaitshitunnuau..	3
Mishkueka tshishtakanitsh..	4
Tan tshe eshi nashekanitsh kie mahk ishpitelitamuna mashinaikana tan tshe eshi pamipalitakanitsh	4



Pekuakamiulnuatsh
Takuhikan

KA TIPELITIKA MAHK UTSHIMAU ATUSSEUN

Nelu nishtam ushkatsh alu ka uhtsh ka mishtaishtapatelitakutsh tshekuan mamu atusseshtakanitsh, eukuan nelu tshetshi milunishtunekanilitsh nanahku atusseunna nite ka eshi takuhimatshanutsh mahk nelu pahpeik^u utatusseunnuau ka takuhimatsheta. At peikuan katshi kushpinelitakutsh peikuan nitshi mishkutunenana. Niteliten nitshi milu-tuten ne katshi aitian uesh nikanitsh tshika milu-apishtakanu.

Ne kassinu ka eshi petakanitsh, nilan ka Takuhimatshetiatsht nipakushelitehtan tshetshi nutam milutaiatsht nite ka eshi takuhimatshanuatsh kie tshetshi uhtitamatsht ne ka ui tutamatsh. Mishtapatelitakuan ne kassinu ka eshi mishkutshitakanitsh nite uashka atusseunna Pekuakamiulnuatsh Takuhikan : ume ka mishkutshitakanitsh ka mamu utshimau atusseun - ka tipectitika mishkutsh nishuitsh tshi

eshi tahtipanekanu, nite nanahkutsh ka eshi uauitshakanita ilnuatsh mahk nite Takuhikan mahk ne Pihitu-takuhimatsheun.

At peikuan e tshinatshishkaman alimuhun, peikuan nishutsheliten tshetshi eka nita punapalitsh e nukushiuk tshilanu ilnuatsh nite ka eshi tipectitika kie nite ka eshi takuhimatshanutsh kie tahtipan eshi pamipalu muk tshika takuan tshetshi mamu milu-pamipalika. Ne mamu tshe eshi milu-pampalika tshika mishta-uitshikuatsh nelu tshe eshi pamipalitsh kutakatsh tshe takuhimatsheta. Kie nite ka tipectitika uashka ka eshi takuhimatshanutsh tshika takunilu kie uiluu tshetshi atusseshitika taship tshetshi eka nita punapalitsh e nukushilitsh ilnu; kutakatsh ka Takuhimatsheta tshimilakanita tshika takunilu tshetshi mamu atusseshitika ashitsh nelu ka nikan atusseshtamilitsh tshetshi uanisse milupalitsh nelu ka nishishtakanilitsh atusseunnilu.

PAKASSUN ASHITSH SHULIAU

Ka tshimilikuian tshetshi Takuhimatshedian nane pipun 2010, nitshi atusseshten tshetshi ushkuishtiman tshetshi nanituapitaman kie tshetshi kutsh uihkutshitaian shuliau usham tshetshi shapuetitahuk nelu nekana kutikatsh Takuhikan ka tshitshipalitata eka mahk uhtsh aieshikushitelitsh shulialu. Eukuan mahk ne ka ishpalitsh kie ka mishtalimutakanitsh tshe ushkatmitshanutsh nete Val Jalbert mahk nete 11 ka itshishtetsh paushtik^u. Takunilipan tshetshi mishkika shuliau 53 000 000 \$ ashitsh iakua nitshi tutenan nite shash ka tipanishitetsh shuliau. Mamu nitshi atusseshtenan kie mamu nitshi kutsh mashkenan tan nipa aitanan tshetshi mishkimatsht ne shuliau ekue nishtutatishiatsh ashitsh nitshe Investissement Québec tshetshi auhashimitsh nelu shulialu miam nite ka aitutakanitsh aitsh utenahtsh, mashikatelitakun

ne katshi kashtinakanitsh ute ka Takuhimatshanutsh.

Alem eukuan katshi eshi tutamatsh ashitsh ka ishpatelitakuka mashinaikanna; uanisse mahk nitshi nishitutakunan ne katshi eshi ueueshitishiatsh. Kie nitshi milikunananitsh nitshe ka Takuhamuata kassinu Peikuitsh ka eshilniuilitsh Ilnuatsh uitshiunnilu mashinaikannilu, usham ne ka ui eshi tshitshipalitaiatsht tipectitamun tshe eshi nashekanitsh nite ka eshi takuhekanitsh shuliau. Kassinu mahk ne tshitshishitaiatsht ashitsh nitshe ka Nikan tipanika shulialu nite ka eshi uauitshakanita Peikuitsh ka eshiliniuta Ilnuatsh, nikatshi uanisse milu-auhashinan shuliau.

PAKASSUN ASHITSH SHULIAU (ESHK^U MINUATSH)

Alem tshi takuan tshetshi milu-mamitunelitamatsht nilan ka Takuhimatsheiatsh nite nitatusseunatsht ashitsh ne ueeshitashuna atusseunna. Mihtshetuau tshi natshishkuakanuatsh ilnuatsh ne uhtsh ka alimutaman miam nane ka mishta-natshishkatunauatsh ka alimutakanitsh shuliau « Mashteuiatsh 2020 », taship tshetshi milu-nitautshitakanitsh kie mamu milu-nashekanitsh. Nelu ka mishta-natshikatunanunilitsh ekute nite ka uhtsh ashpitshimuta ka Takuhimatsheia tshetshi tapuetaka nelu Pekuakamiulnuatsh ka eshi pakushelitamilitsh. Mekuatsht tshishatshitakanu tshetshi pashikutshinekanitsh kie tshetshi nashitutatishunauatsh ashitsh kuhpanieshitsh

tshetshi uanisse ussi takuhikan milu-nashika utatusseunnuau.

Ne nutam katshi aitunauatsh, tshitutakanu e mishtiapitelitakutsh tshekuan kie tshi milu-tshitapitakanu tan tshe eshi uitshituta ka Takuhimatsheia mahk ashitsh nitshe ka kanauelitika atusseutshuapilu ute ilnussitsh. Nitshi nishtutatunan tshetshi tshimitaiatsh mamu tshekuan e shukatsh uhtsh shuliau e nashimatsh matinimueun kie tshetshi milu-uitshikuihk. Nipakushelimautsh nitshe kutakatsh ka Takuhimatsheia tshe tshimilakanita tshetshi shaputue atusseshitika nelu kie uiluu.

PEIKUITSH KA ESHILNIUTA ILNUATSH U UAUITSHITUNNUAU

Ottawa tshishe utshimau pakushelitam^u kau tshetshi natapishitua ilnu kau tshetshi kutsh nashitutata nelu uhtsh ninatuhussilu kie tshetshi tshishtin nanitshishkuat kassinu ilnu kie nelu mashilinu (eka ka nishtunuakanita) ka kashtihukuta nelu kie uiluu mishkueka tapuetatishunauatsh kie mashinatihutishunauatsh ne nashtutatishun. Ute tshilanu Peikuitsh ka eshilniuihk tahtipan kutelnu ashu patetatsh ka uitsheutita tshe natshishkuakanita. Tshika mishtiapitelitakun tshe eshi tutakanitsh ne tshe natapishtatinauatsh kie mahk shash usham ueshkatsh eshpish atusseshtakanitsh. Nilan mamu ka atusseshtimatsh mekuatsht nimilutshitapitenan ek^u eka tshi milu-nishtutatishuta Peikuitsh ilnuatsh ka eshilniuta kie eka mamu tshinashatuihk tshetshi tshishpeuatimuhk tan e aitinauatsh ninatuhussitsh, uiluu tshishe utshimauatsh tshika nikan apishtamuatsh kie apu tshikutsh mamitunelimituhk tshilanu.

Tshika takuan muk aiatsh tshetshi pashikuihk mahk tshitshi mamushtaik tshishutshelitamunnu. Tshika takuan kie tshetshi mamushtaik tshishutshiunnu kie tshetshi mamukapuihk ashitsh kutakatsh ilnuatsh. Patush mamuhituihk mahk uauitshituihk tshikatshi kaniunanu.



MISHKUEKA TSHISHTAKANITSH

Nitshi mishtashinan kie nitshi mishta-milueliten katshi milita Pekuakamiulnuatsh tshetshi ilnutshimauian. Peik^u tshekualu nui nikatamuaatsh ute ilnuatsh mishkueka punapalitch e ilnutshimauian, eukuan nelu miam ishkuasseu e tshitapitakanitsh tshipa itelitakun. Nipakushelimauatsh Pekuakamiulnuatsh tshetshi milu-apishtata nelu ishkuasseulu eshk^u nite e ashtelitsh kie eshk^u e tshishitelitsh muk peikua tshetshi putatekanitsh kau tshetshi pashkashepalitsh utishinakitsh ne tshe ishpalitsh.

Ashinek kie mamitunelitamuk tshetshi nitu mashinatihutishiek. Mishtapitelitakun tshetshi mashinatihutishunuanuatsch e ilnutshimakanuatsch. Mamitunelimuhk ne auen shash ka tshisselitik nelu atusseunnilu muk ne tshilau e itelitamek. Nitashinehikun ne ka eshi ueueshitakanitsh. Nitshisselimau tshikatshi kassinu tshekualu pashitshishkam^u. Tshika takuan tshetshi pushipaliek kie tshetshi mishtatusseiek mahk tshetshi tapuetamek. Takuan tshilanu tshetshi milupihk. Tshilanu ilnuatsh tshitashineunnu.

Tshinishkumitinau!

Clifford Moar

TAN TSHE ESHI NASHEKANITSH KIE MAHK ISHPITELITAMUNA MASHINAUKANA TAN TSHE ESHI PAMIPALITAKANITSH

Tshika uapatenu ute tapishish tan nil eshi pakushelitamuka Pekuakamiulnuatsh tshetshi eshi nashekanitsh kie ilnuatsh mahk ussi Takuhikan tsheshi kie uilau pushipalita.

- Taship eka nita tshetshi punapalitch e nukushik kie e ui tipelimitishuik tshetshi mamu atusseshtakanitsh ashitsh Pekuakamiulnuatsh ne ka mamu atusseshtakanitsh ashitsh ilnuatsh miam :
 - Tshieuetshitashunnu;
 - Tshekuan e atapishtakanitsh mahk mamu tipelitamun nelu eshi kashtiekanilitsh ilnuatsh etapishtata kie pahpeik^u ilnuatsh utipelitamunnuau;
 - Matinimueun mahk ashu pashtinimueun tipelitamun kie tshetshi pushipalita ilnuatsh tshekualu e ui tutamilitsh ka Takuhimatshelitch;
 - Takuhikan mahk tan etapishtakanitsh shuliau ka tipanishtakanitsh;
 - Tshetshi eka punapalitch eshi uauitshiuuanuatsch mahk tan ishpish tshishikuakanita ka takuhimatsheta;
 - Uauitimatshen mahk tshetshi shutshelimitita ilnuatsh ashitsh ka Takuhimatsheta kie ashitsh ka tipelitika;
 - Tan tshipa eshi tshimilakanu Ilnu tshishe utshimau mahk tan tshipa eshi ueueshitakanu.
- Ka natapishtuakanit tshishe utshimau uhtsh ninatuhussi.
- Tan eshi pampalitch e alimutetsh shuliau ute tshilanu Pekuitsh ka eshilniuihk, anutshish tanite uehtshipalitch pakassun shuliau kie tshe tshimitakanitsh tan tshipa eshi mashtuepalitakanu tshetshi pihtepalitch shuliau.
- Tan eshi pampalitch ashitsh tshishe utshimauatsh, nelu tshishe utshimau Harper u utshimau ueueshitaun.
- Eshi uitsheutinuanuatsch ashitsh kutakatsh Ilnuatsh Peikuitsh ka eshilniuta :
 - Tan tshe aitsh natapishtatunuanuatsch ashitsh Ottawa tshishe utshimau;
 - Ka nishtutatinanuatsch ashitsh natueuatsh wendat e ninatuhunanuanuatsch nete ka nanakatshakanita aueshishatsh Upishtakuia meshkanau;
 - Ninatuhussi e alimutakanitsh;
 - Ka atusseshtuata kassinu Ilnuatsh Pekuitsh ka eshilniuta kie mishue ka uhtshita.